

تورکیا بویون ملت مجلیسی

ضبط

یوزاللی برنجی اجتماع

مندرجات

اوراق وارده:

قونیہ ده کی دارالایتام ایچون معاونت اجتامیہ بودجه سنہ پاره علاوه سی حفته کی قانونک مذا کره سی وقبولی اصول محاکمات جزائیہ قانونک بعض ماده لرینک تعدیل حفته کی لایحه قانونیه نک مذا کره سی مأمورین محاکماتی تدقیق هیئتله انجمنی انتخاباتی مدافعه ملیه به ایکی میلیون آوانس اعطاسی حفته کی قانونک مذا کره سی

برنجی جلسہ

رئیس — برنجی رئیس وکیلی موسی کاظم افندی حضرتلری

کاتب — ضیا خورشیدبک (لازستان)

۲۸ کانون قانی ۳۳۸ - جمعہ ایرتسی - ساعت ۱۰:۳۰ صوکره

ریاست جلیله به

اسباب موجبه

قونیہ ده اولاد شهدا ایچون بر دارالایتام تأسیس وانشاسنه مباشرت قائمشدر . اشبو دارالایتامه آلتان اولاد شهدا یالکزر قونیہ چوجققلری اولیوب بلا تقریق هر طرف اطفالی قبول اولمشدر . تخمیناً آلتش بیک لیرا قدر تبرعات وقوع بولمش وبونلرله اساسلی عقازات وانشاسنه توسل ایدلشدر . عقارات مذکورہ ایچون ایکی یوز درت مترو مکعبی کراسته به احتیاج اولدینی وحسب الحال تدارکنه امکان اولمادینی وتبرعات معروضه ایلده آنجق لوازم سائرهنسک قسمآتدارکی ممکن اوله جنی آکلاشادی . اولاد شهدایه طأند بویله برنشبت عظیمک

رئیس — افندم! جلسہ یی کشاد ایدیورم . ضبط

سابق خلاصه سی اوقونہ جق . (اوقوندی)

ضبط سابق حفته مطالعه واری ؟ (خایرسنلری)

ضبط سابق عیناً قبول ایدلدی .

هیئت وکیلہ دن مورود اطنه دارالخلافة مدرسه سی

تخصیصاتنک شرعیه وکالتی بودجه سنه علاوه سی حفته

لایحه قانونیه وارددر . موازنه مالیه انجمنه حواله ایدیوروز .

بولی مبعوثی شکرری بک کراسته قطعیاتنه دائر

تسکلیف قانونیسی وار . لایحه انجمنته .

قونیہ دارالایتامی ایچون معاونت اجتامیہ بودجه سنه

تخصیصات علاوه سی حفته کی قانونه دائر موازنه مالیه

انجمنی مضبطه سی وار . اوقونہ جق :

یاری یولده قالمسنى مجلس عالی آلبته تجویز بویورماز .
 بوکون یوزلرجه شهید اولادی طولانمش ، ارفاه و اقدار
 اولنش و تعلیم تربیه ایدلمکده بولمشدر . بونلرک طاغیلماسی
 بالطبع دوغری دکلدرد . پوزانطی جوارنده مالیه دن
 مدافعه ملیه و کالته مدور برخیل کراسته بولندی و بولردن
 (۲۹۴) مترو مکعبنک بلا بدل دارالایتام انشاآته
 ترکی حالنده تأمین مصلحت ممکن اوله جنی تحقیقات رسمیه
 ایله آکلاشلمش اولدیغندن اشبو مقصد خیر و نافعک بر
 آن اول حصولی ضمننده زیرده کی مواد قانونیه نک مستعجلاً
 مذاکره و قبولی تکلیف ایلرز :

ماده : ۱ — مالیه و کالته مدافعه ملیه و کالته ترک
 اولتوب پوزانطیده و بله مدیکده بولنان مختلف المجلس
 کراسته دن ۲۹۴ مترو مکعبی قونیه دارالایتامنه بلا بدل
 ترک ایدلمشدر .

ماده : ۲ — اشبو قانونک اجراسنه مدافعه ملیه و مالیه
 و کیلیری مأموردرد .

ماده : ۳ — اشبو قانون تاریخ نشردن اعتباراً
 ۱۲ تشرین اول ۳۳۷

قونیه مبعونلری

کاظم حسنی موسی کاظم وهبی
 موازنه مالیه انجمنی مضبطه سی

قونیه مبعونلردن کاظم حسنی ، وهبی و موسی کاظم
 اقدیلرک قونیه دارالایتامنه یکرمی بیک لیرا اعطوا حکومته
 عاند کراسته لردن ده ایکوز طقسان دوت مترو مکعبنک
 دار مذکوره بلا بدل ترکی حقنده کی ایکی قطعه تکلیف
 قانونیلری توحیداً مدافعه ملیه و مالیه و کیلیری حضوریه
 مذاکره و مناقشه ایدلدی . بله مدیکده حکومته عاند
 کراسته وارسه ترجیحاً مطلوب کراسته نک ترکی ، یوقسه
 معاونت تقدیه نک ایفاسی لزومی تصویب ایدیلرک ، کراسته
 کیفیتی استکناه ایتدیلمش و بله مدیکده کی کراسته نک قسماً
 صرف و قسماً دخی احتیاج عسکری یه قارشولق طو تولدینی
 و بنا علیه ؛ کراسته نک ویریه میه جکی آکلاشلمشدر .
 قونیه ولایتی داخلنده شهید و مهاجر وری ایتمی اوله رق
 سکر بیک قدر چوقق تثبیت ایدلینی و بولردن بر

قسمنک کشاد ایدیلن دارالایتامده تعلیم و تربیه اولتمقده
 بولندینی تحقیق اولنش و بویله برامر خیر ایچون معاونت
 تقدیه اجرایی اتفاقله انجمنمزجه قبول و تصویب قلمشدر .
 آنجق حسب الحال یکرمی بیک لیرا اعطاسی مناسب کوریه
 مه مش و سنه حالیه محسوباً دار مذکور انشاآته
 و دیگر هردرلو احتیاجاته صرف اولتمق اوزره اون بیک
 لیرا ویرلسی قبول ایدلمشدر .

برنجی ماده : — ایتامک اعاشه و تعلیم و تربیه لری
 ایچون قونیه ده کشاد ایدلمش اولان دارالایتامک انشاآته
 و مصارف دائمه و سائر سه نه مدار اولق ارزره ۱۳۳۷
 صحیه و معاونت اجتماعیه بودجه سنک (۱۹۳ ب) فصلنه
 اون بیک لیرا علاوه قبول ایدلمشدر .

ایکنجی ماده : — اشبو قانون تاریخ نشردن معتبردر .
 اوچنجی ماده — اشبو قانونک اجراسنه مالیه ، صحیه
 و معاونت اجتماعیه و کیلیری مأموردرد . شکلنده تعدیل
 و تصحیح قلمغله لاجل التصدیق هیئت عمومیه یه تقدیم
 قلدی .

۳۳۷ تشرین نانی

کاتب	اعضا	مضبطة محرری	رئیس
ایچایل	سیوه رک	کاظم حسنی	صاروخان
شوقی	سری		رشاد
اعضا	اعضا	اعضا	اعضا
نیکده	آنطالیه	استانبول	استانبول
حقی	علی وفا	محمدنشئت	

طونه لی حلمی بک (بولی) — رئیس بک ! امضا
 ایدن آرقداش لر میاننده بولتمق لنگزد و لایسیله مقام ریاستی
 اشغال ایده مزسکز .

رئیس — مضبطه موازنه مالیه انجمنشدر . مع هذا
 ریاستی ترک ایدیورم .

مقام ریاستی ایکنجی رئیس و کیلی شرف بک
 (ادرنه) اشغال ایشدر

رئیس — افندم ! موازنه مالیه انجمنی نامه سوز
 سویلیه جک کیم واز؟ (مضبطه محرری یوق سسلری)
 کاظم حسنی بک (قونیه) . — مضبطه ده معلومات
 کافیه واردرد . سوز سویلیه حکم حاجت یوقدر .

رئیس - او حاله هیئت عمومی سنی قبول ایدنر لطفاً
ال قالدیرسون! (قبول ایدلشدر)

مصطفی بک (قره حصار شرقی) - اکثریتک
حصوله الر قالدینی معلوم اولمان اکثریت وارد
دیورسکنز!

رئیس - رجا ایدرم مصطفی بک سکوت ایدیکنز!
برنجی ماده : - ایتمک اعاشه ، تعلیم و تربیه لری
ایچون قونیه ده کشار ایدلمش اولان دارالایتمک انشا آینه
ومصارف دائمه وسار سنه مدار اولق اوزره ۳۳۷ صحیه
ومعاونت اجتماعیه بودجه سنک (۱۹۳ ب) فصلنه اون بیک
لیرا علاوه قبول ایدلشدر .

طونه لی حلمی بک (بولی) - ایتمک تحصیل و
تربیه لری ایچون جمله سی زاندر ، خذف ایدلسون اقدم .

رئیس - اقدم! ماده حقننه سوز ایستین وارمی ؟
ماده بی قبول ایدنر لطفاً ال قالدیرسون ! برنجی ماده
قبول ایدلشدر .

ایکنجی ماده : - اشبو قانون تاریخ نشرندن
معتبردر .

رئیس - سوز ایستین وارمی ؟ (خایر سسلری)
ایکنجی ماده قبول ایدلشدر .

اوچنجی ماده : - اشبو قانوننک اجراسنه مالیه ،
صحیه ومعاونت اجتماعیه وکیللری مأمورددر .

رئیس - اوچنجی ماده بی قبول ایدنر لطفاً ال
قالدیرسون! قبول ایدلشدر اقدم . هیئت عمومی سنی تعیین
اسامی ایله رایه وضع ایدیوروز .

مصطفی کمال بک (ارطغرل) - بو پاره نک بر آی
ظرفنده صرفی غیر قابلدر . صرفه مآذونیت ویرلسون .

رئیس - اقدم! ایستر لسه اوزمان ویریرز . اصول
محاکمات جزایه نک تعدیلی ایچون بر تکلیف وار .

بونک حقننه کی عدلیه انجمنی مضبته سی او قونه جق .
۹ مایس ۳۳۷ تاریخی معاملات اتمامیه نک

الغاسی حقننه کی قانونه منذیل لایحه قانونیه
صورتی

ماده ۱ - - مستنطقلر جه منع محاکمه قراری اتخاندن

صکره جریمک ظاهره اخراجنه مدار اوله جق شهادت
ودلائل جدیده ظهورنده ، یکیدن تحقیقات اجرا وقرار
اتخاذی اوله تحقیقاتی اجرا ایدن مستنطقه عاندر .
آنجق علاقه داران طرفندن وقوع بولاجق اعتراضات
اوزرینه اشبو تحقیقات مستنطقک منسوب اولدینی استیناف
رئیس ویاو کیلنک تسیب ایده جکی بر مستنطق مخصوصه ده
حواله اولونه بیلیر .

ماده ۲ - دعاوی جناییه محاکمنه شاهدلردن
برینک کاذباً شهادتی حالنده دوغروندن ، دوغرویه رئیس
محکمه ویا خود علاقه دارانک طلب وادعاسی اوزرینه هیئت
حاکمه طرفندن شاهد کاذبک توقیفنه قرار اعطا و محکمه نک
بولوندینی محل مستنطق طرفندن احکام عمومیه دائره سنده
تحقیقاتی ایفا واکمال اونور .

ماده ۳ - تعقیبات قانونیه به تابع طوتولان بدایت
حکام ومدعی عمومی لریله قاضیلر حقننده کی تحقیقات
منسوب اولدق لری استیناف محاکمی رؤسای و استیناف
حکام ومدعی عمومی لریله عدلیه مفتش ودوائر مرکزیه
مدیراننک تحقیقاتی ده محکمه تمیز رئیس اولی طرفندن
مناسب کوریه جک جوار استیناف رئیس لردن برینه حواله
ایدیلیر . اشبو اعضا لر مستنطق صفت وصلاحیتی حائزدر لر .
بونلر طرفندن ویریه جک توقیف وتخلیه قرار لرینسک
تصدیقی واتخاذ قیلنه جق مقرراته قارشی احکام عمومیه
دائره سنده علاقه دارانی طرفندن وقوع بولاجق اعتراض
ضانک تدقیقی وظیفه سی ده کندولرینی مأمور ایدن رؤسایه
عاندر . ۳ تموز ۳۳۷

شرعیه وکیلی
اجرا وکیللری هیئتی رئیس
فهمی
ومدافعه ملیه وکیلی

فوزی
خارجیه وکیلی
داخلیه وکیلی نامه
یوسف کمال
رفیق شوکت
نافعه وکیلی
معارف وکیلی
عمر لطفی
حمدالله صبیحی
صحیه ومعاونت اجتماعیه وکیلی
حسن حسینی
اقتصاد وکیلی
دوقتور رفیق
محمود جلال
ارکان حربیه عمومیه وکلانگی وکیلی
فوزی

اصول محاکمات جزائیه قانونسک ۲۲۸، ۲۲۹ نجی ماده لری
یرینه قائم اولق اوزره بوجه آتی ماده قبول ایدلشد:

ماده : ۱ - مستنطق قرارنامه سنده ضعیف عد
اولونمش دلائلی تقویه ایده جک و یا خود وقوع حاله ده
تهاده اطلاع مدار اوله رق حقیقت حالک ظاهره حقیقماستی
موجب اولاجق صورتده وقوعبولان شهادتله ظهور
ایدن ضبط جریده لری و اوراق و دلائل سائرده دلائل جدیده
عد اولنور . بو صورتله دلائل جدیده ظهورنده یکیدن
تحقیقات اجرا و قرار اتخاذی مدعی عمومیلکک طایله
اولجه تحقیقاتی اجرا ایدن مستنطقه عأددر .

اصول محاکمات جزائیه نک ۲۸۱ نجی ماده سی بوجه آتی
تعديل ایدلشدر:

ماده : ۲ - تدقیقات اقتضاسنجه برشاهدک شهادتی
کذاب اولدینی کورونور ایسه رئیس محکمه مدعی عمومینک
و مدعی شخصینک و یا خود مظلونک طلب و استدعاستی
بوزرینه و یا خود رأساً درعقب شاهد مر قومی توقیف
ایتدیره بیله جک و اشبو جرماک تحقیقاتی محکمه نک
بولوندینی محل مستنطق طرفندن ایفا اولنه جقدر .

اصول محاکمات جزائیه نک ۳۹۱ نجی ماده سی بوجه آتی
تعديل ایدلشدر :

ماده : ۳ - ماده سابقه احکامنه توفیقاً تعیین قلنان
مستنطق تحقیقات واقعه سنی متضمن ضبط ورقه لری
و اوراق سائرینی مشتکاعنه ، بدایت محکمه سی حکامندن
ایسه منسوب اولدینی محکمه استیناف رئیسنه و محکمه
استیناف حکامندن ایسه محکمه تمیز جزا دأرهمی رئیسنه
مظروف و اومهوراً کوندره جک و آنلردخی کرک بو تحقیقاتک
و کرک اولکی اوراقدن استحصال ایده جکلری معلومات
اوزرینه ایجاب ایتدیکی حالده مظلون علیهی مسافرة
توقیف ایتدیره جک و توقیفنامه ده مظلون علیهک تره توقیفخا
نهسنه قولسی لازم کله جکینی تعیین ایلیه جکدر . بوندن
صوکره محکمه تمیز جزا دأرهمی معاملات واقعه یه
متعلق اوراقک درحال باش مدعی عمومی یه و ولایت
محکمه استینافی رئیس و ولایت مدعی عمومیسنه امرایده جک
و باش مدعی عمومی و یا مدعی عمومی دخی اوراقی آلدینی

تاریخندن اعتباراً بش کون طرفنده مظلون علیه حقنده
واقع اولمش اولان اشتکا اوزرینه تنظیم ایده جکی ادها .
نامه سنی اوراقیله برابر درسعاتده محکمه تمیزک حقوق
دأرهمه و لایتلرده استیناف ریاستی طرفندن بالتفریق
استیناف اعضا و اعضا ملازملرندن تشکل ایده جک اوچ
کشیک هیئت اتهامیه یه عرض ایلیه جکدر .

سا ۱ تشرین ثانی ۳۳۷

کاتب مضبطه محرری نامنه عدلیه انجمنی رئیس
نیکده قره حصار صاحب عبده اعزهی
مصطفی حلمی محمدشکری
اعضا اعضا اعضا اعضا
موسی کاظم
سینوب
حقی حامی

مصطفی کمال بک (ارطغرل) - بو قانون طبع و
توزیع ایدلیمی ؟ (طبع ایدلسون سسلری)

علی سروری افندی (قره حصار شرقی) - اویله بردفیه
او قونمقله ظن ایتیم که: اعضای گرام برفکر مخصوص ایدینه
بیلسونلر . اصول محاکمات جزائیه نک بعض ماده لرندن
بحث اولونور . عجبا او ماده لری شکل حاضری نه در ؟ .
(طالم کل) دکلزکه: هپسی حافظه مزده موجود بولونسون .
اونک ایچون طبع و توزیع ایدلمی بر موجب نظام یکریمی
درت ساعت صکره مذا کره سنه باشلانمالی ! .

رفیق شوکت بک (عدلیه و کیلی) - علی سروری
بک برادرمن قانونک طبع اولندیغنک فرقنده دکلدلرلر .
حقی اون بش کون اول توزیع اولمشدر . مطبوع المزده در .
سروری افندی (قره حصار شرقی) - اویله ایسه
توزیعده خطا واردر .

حافظ محمد بک (طربزون) - تعدیل ایدیلن
قانون ، یعنی هم معدل وهم معدل اوله رق قارشی قارشی یه
کلمکسزین مذا کره قابل دکلددر . بناء علیه ؛ تعدیل ایدیلن
ماده لر یکیدن طبع ایدلیدر ؛ بزجه هر ایکیسیده
معلوم اولمیدر . بو نه در ؛ بیلده یورز که ، بوکا دأر سوز
سویلیه جکزر .

رفیق شوکت بک (صاروحن) - بو توزیع ایدیلرک

اوزرندن زمان کچد کدن صکره بعض آرقداش لرك اعمال
 ذهن اجمه می بو کون یکی احتیاج لرك در میانه سبب اولور .
 حاجی احمد بك (موش) — توزیع عقینده روزنامه به
 غیر نیلمیدر که : مسئله بو صورتله نور ایتش اولسون .
 رفیق شوکت بك (عدلیه و کیلی) — مسئله ، بر
 حقیقت قانونیه رعایت مسئله سیدر . آرقداش لره توزیع
 اولقد یعنی سویلور لر . بنده کزجه دیگر بر جلسده
 مذاکره سنده محذور یوقدر . مسئله نوردر . طبعنه ده
 لزوم یوقدر . اساساً بو قانونی تکلیف ایتمکدن مقصد ،
 معاملات اتهامیه نك الغامی حقنده کی قانونک برنجی ماده سیله
 القایتمش اولدیغمز فصل اولی احیادر . یعنی میدانده
 موجود بر ماده یوق ؛ اولدیغندن دولای بیونلری قویبورز .
 آنجق عدلیه انجمنک مطالعه می هر ماده نك الغامی
 جهنسانده دکدر . لازم اولانلر باقیدر . بز ، بونی ابقا
 اولنمش دیه یکیدن ذیل باقمقدن ایسه عینی لجه لر ی ایجاباته
 کوره تمذیل ایدلم دیدک . مسئله اوندن تحذیر ایتمشدر . بناء علیه ؛
 مادام که بویله آرزو ایدیلور ، بنده کزجه ، مجلسک تنویرینه
 خدمت ایتک ایچون بر جلسه ده تأخیر بنده محذور یوقدر .
 علی سروری افندی (قره حصار) — مادام که : لایحه
 توزیع ایدلمش وبك آز آرقداش لره آملش لره شو حالده
 او توزیمک قلمجه لایق ایله اجرا ایدلمدیکی آکلاشیلور .
 مقام ریاستک نظر دقتی جلب ایدرم . بو بر ... ایکنجیسی
 حافظ محمد بکک بر تکلیفی وار ، اسکی ماده لرده طبع
 اولسون دیه ؛ اگر هنوز طبع ایدلمش اولسه دیدی ، بنده کزده
 بو تکلیفه اشتراک ایدرم . مادام که : طبع ایدلمشدر .
 تکرار اختیار کلفله اسکی ماده لرله برابر طبی ایچون ظن
 ایدرم که : هم زمان ایستره هم چوق مصرف ایستره ؛ بناء علیه ؛
 دیگر بر جلسه به تعلیقی ایله لایحه لرك حسن صورتله و عموم
 آرقداش لره توزیعنی رجا ایدرم .
 حافظ محمد بك (طربزون) — بز ، قانونی تعدیل
 ایتک ایستبورز . هیئت ، اعضای کرام اسکی قانونه یکی
 قانونی کورمدکجه هانکیسی ده ایدر ، اسکیسی می ده
 ای ؛ یکیسی می ده ای ؛ اولدیغنی کورمدن بیان مطالعه
 ایدمیز . کورملی و مقایسه ایتلمیدر که : ، بیان مطالعه

ایده بیلسون . یکی بر قانون دکدر بو ، تعدیلاتدر .
 عدلیه و کیلی رفیق شوکت بك — اقدام ، هپ
 دعوا مسئله نك تنویرینه هانددر . بوکا اعتراض اولماز که :
 یالکز بازار ایرتسی کونی هر حالده بو قانون مذاکره
 اولنمیدر . بو قانونلره احتیاج چوقدر اقدام . عدلیه ایشلری
 مشوش بر حال آملشدر .
 رئیس — اقدام ! علی سروری افندی نك بر تکلیفی
 وار ؛ یکیدن طبع ایدلسون ، بازار ایرتسی کونی مذاکره ایدلسون ،
 دیور لر . حالبوکه : قانون ذاتاً طبع ایدلمشدر . وایکی ماده دن
 عبارتدر . حتی توزیع ده ایدلمشدر .
 علی سروری افندی (قره حصار) — یکیدن توزیع
 اولنمیدر .
 رئیس — شورای دولت تدقیق انجمنه پاییلان
 انتخابده (۱۹۰) ذات رأیه اشتراک ایتش (۳۴) مستنکف
 وار (۱۵۶) رأی ویرلش . انک فضلہ قازانان رأی (۸۵)
 اولسنه نظراً اشتراک ایدنلره نسبتله اکثریت حاصل
 اوله مامشدر . اون بش کشیک محاکات هیئت ایچون
 پاییلان انتخابده (۱۶۳) ذات رأیه اشتراک ایتمشدر .
 یکر می طقوز مستنکفه قارشی سکسان اوچ رأی ایله
 امیر پاشا (سیواس) احراز اکثریت ایتش ، دیگر لر ی
 ایچون اکثریت حاصل اوله مامشدر . یکیدن انتخاب
 لازمدر .
 یوسف ضیا بك (بتلیس) — پاییله حق انتخاب
 اوچنجی دفعه اولدیغنی ایچون رأی اضافیدر ، اقدام .
 رئیس — اوت رأی اضافیدر .
 صلاح الدین بك (مرسین) — اکثریت آانلر
 اوقونسون ، اقدام ! (اسامی اوقونسون صدالری)
 مصطفی کمال بك (ارطغرل) — رئیس بك ؛ یکر می
 کشینک اسامیسی اوقونه حق . بومدت ظرفنده وقت
 کچه جک . بونک ایچون اسامی سالونه تعلیق ایدلسون !
 (اسامی اوقونسون صدالری)
 تدقیق انجمنی ایچون احراز اکثریت ایدنلر :
 عبدالله عزمی افندی (اسکیشهر) ۸۵ ، علی سروری افندی
 (قره حصار شرقی) ۸۰ ، حق بك ، ان ۷۷ ، بهجت بك کفری ۷۰ ، حاجی

فیضی افندی (العزيز) ۶۷، راسم بك (العزيز) ۵۸، ضيا بك (بتلیس) ۵۷،
 سری بك ارغنی ۵۰، سری بك بوزغاد ۴۷، شوكت بك بايزيد ۴۶،
 حسنی بك بتلیس ۴۱؛ عطابك نيكده ۴۰، لطفی بك ملاطيه ۴۳،
 نافذ بك جانك ۲۵؛ عاطف بك قيصري ۲۱؛ اسعد بك لازستان ۲۲،
 بصري بك قره سی ۲۰؛ حیدر بك وان ۲۰.
 تدقیق هیئتی ایچون احراز اکثریت ایدنلر
 بسم بك قسطمونی ۸۰؛ عاطف بك قيصري ۶۲؛ حسین عوفی
 بك ارضروم ۷۶؛ اسعد بك لازستان ۶۱؛ امین بك جانك ۶۸،
 حاجی الیاس افندی موش ۶۴؛ حسن فهیمی بك كوشخانه ۶۷؛
 عطابك نيكده ۵۹؛ لطفی بك ملاطيه ۵۳؛ حق حامی بك سینوب ۶۷؛
 مفید افندی قیرشهر ۶۰؛ حیدر بك وان ۵۳؛ نافذ بك جانك ۴۹؛
 بصري بك قره سی ۴۶؛ محمود اسعد بك ازمیر ۴۴؛ قدری بك
 سمرد ۳۵؛ روشن بك كوشخانه ۳۱؛ علی سروری افندی
 قره حصار شرقی ۴۲؛ سلیمان سری بك یوزغاد ۲۹؛ عبدالله
 عزمی افندی اسکیشهر ۳۰؛ بهجت بك كنفری ۳۱؛ زلفی بك
 دیاربکر ۲۸؛ وهبی افندی قونیه ۲۸؛ فیضی افندی ملاطيه ۲۳؛
 تریابك صاروخان ۲۲؛ علی افندی ایچ ایل ۲۳؛ حافظ محمد بك
 طبرزون ۳۵؛ صادق بك قیرشهر ۱۹؛ طورسون بك
 جوروم ۲۷.

رئیس — افندم؛ بوده بیئدی. انتخاباته باشلايه جغز.
 حاجی احمد حمدی افندی (موش) — افندم! بو
 صورتله ایکی هیئته بر ذات انتخاب اولونیور. بونلری
 آیری، آیری انتخاب ایدلم. بو اکثریت قازانان آرقداشلر من
 هانکیسنی ترجیح ایدنه جگلسه سویله سونلر. یازلم و مسئله ده
 ییتمش اولسون.

رئیس — افندم! برتقریر وار او قونه جق ..
 نافذ بك (جانك) — افندم! طقوز کیشلك تدقیق
 انجمنده بنده كزك اسممده وار. دیگر انجمنلرده ایشم
 چوقدر، وقمده یوقدر. بو انجمنه بیئی یازماییکز. اون
 بش کیشلك انجمنی قبول ایدرم.

طونه لی حلمی بك (بولی) — رئیس بك، اصول
 انتخابه دائر بر ایکی سوز سویلیه جگم. آرقداشلر، بو
 مسئله نك ایچندن چیقاما ییشمك باشلیجه سببی، ایکی هیئتی
 بردن انتخاب ایتمه مزدر. بناء علیه؛ ایلک دفعه برنجیسنی
 انتخاب ایدلم. دیگرینی ده بالآخره انتخاب ایدرز. بو
 صورتله رأیلرده موازنت حاصل اولور. اکثریت ده
 تأمین ایدیش اولور. حالبوکه: دیگر صورتله هرایکیسینی
 بردن یاباجق اولورسه ق رأیلر داغیلاجق و اکثریت هیچ

برزمان بولونه میه جقدر • (بك موافق سسلری)
 رئیس — افندم! اساساً بودفمه اکثریت اضافیه
 واردر • آیری، آیری انتخاب یاهمه لزوم یوقدر •
 قونیه دارالایتمنه اون بیک لیرا معاونت ایفاسنه دائر
 اولان قانون تصنیف آراندیجه سنده بش مستکف و ۲۱
 رده قارشى ۱۴۰ رأی ایله قبول ایدلمشدر.
 افندم! تدقیق انجمنیه هیئتلك انتخاباته باشلا یوزرز.
 (اسامی او قوندى)

(اسعد بك لازستان، حلمی بك آردهان، حاجی
 سلیمان افندی ازمیر تصنیف آرایه مأمور ایدیلدیلر)
 اون دقیقه تنفس ساعت ۴
 ایکنجی جلسه خفیدر

قونیه دارالایتمی تخصیصاتی قبول ایدنلرک اسامیسینی
 طاکف افندی باطوم؛ طوفان بك حکاری؛ موسی کاظم
 افندی قونیه، مصطفی وصفی بك توقاد، بکر سالی بك آماسیه،
 یوسف ضیا بك بتلیس؛ حاجی طاهر افندی اسپارطه؛ روشن
 بك كوشخانه، مصطفی کمال بك ارطغرل؛ خلوصی بك قسطمونی،
 رفیق شوکت بك صاروخان، فیضی بك دیاربکر، راغب بك
 عینتاب؛ فائق بك ادرنه؛ اسعد بك لازستان؛ سری به
 ارغنی؛ رسم بك اولتی، ضیا خورشید بك لازستان، ضیا بك
 سیواس؛ رشیدی بك ارغنی؛ عثمان فوزی افندی ارزنجان؛
 صدق بك ملاطيه؛ مدحت بك ماردین، جلال نوری بك کلیبولی،
 محمد شوکت بك سینوب، عبدالله افندی بولی؛ علی حیدر
 بك کنج؛ راسم بك سیواس؛ نوری بك بولی؛ جمال
 باشا اسپارطه، محمد نادر بك اسپارطه؛ حافظ محمد بك
 طبرزون، اسعد افندی آیدین، فیضی افندی ملاطيه؛
 زؤف بك سیواس؛ مصطفی بك دریم، شیخ حاجی فوزی
 افندی ارزنجان؛ حاجی نوری افندی سمرد؛ عارف بك
 استانبول؛ حیدر بك وان؛ محی الدین بك العزيز؛ ابراهیم
 جودت بك قره سی، رضا افندی یوزغاد؛ دوكتور سعادت بك
 قسطمونی؛ علی افندی ایچ ایل، دوكتور فؤاد بك بولی،
 درویش بك ماردین، تحسین بك آیدین. احمد نورالدین
 افندی باطوم. صادق افندی قیرشهر، قدری افندی سمرد.
 حمدی نامق بك ادمیت. محمود بك ارغنی. حسن بك وان؛
 طونه لی حلمی بك بولی. محمود بك قره حصار شرقی.
 وهبی افندی نیکده، سعود بك قره حصار شرقی، امیر باشا سیواس، شکری
 افندی قره حصار صاحب. زلفی بك دیاربکر. عبدالغنی بك موغی. محمود سعید
 بك موش، سید حسین بك ارزنجان، حمید بك بیغا. عثمان ذکری بك

ماده ۱ — مدافعه مليه نك احتياجات مستجلبه سنه
صرف ايدلك وموازنه ماليه انجمنه ابراز اوله حق حساب
اوزرينه انجمنجه تكليف اوله حق مقدارن محسوبي
اجرا قلمق اوزره دائره مذكوره بودجه سنه ايكي ميليون
ليرا آوانس اعطا قلمشدر .

رئيس — افندم ! برنجي مادهني قبول ايدنلر لطفاً
ال قالد يرسون ! (قبول ايدلمشدر)

ماده ۲ — اشبو قانون تاريخ لشرناين معتبردر .
رئيس — قبول ايدنلر لطفاً ال قالد يرسون ! (قبول
ايدلمشدر)

ماده ۳ — اشبو قانونك اجرا سنه ماليه و مدافعه
مليه و كيللري مأمورددر .

رئيس — قبول ايدنلر لطفاً ال قالد يرسون ! (قبول
ايدلمشدر)

(هيئت عموميه سي تعيين اسامي ايله رايه قونوب آرا
طويلا نمنغه باشلاندي)

رئيس — افندم ! راي و يرمين آرقداشلر وارسه
لطفاً رايلريني و يرسونلر .

افندم ! نتيجه آراي بيلىد يره جكم . ايكي ميليون ليرالق
آوانس قانونه راي و يرن ذوات (۱۴۶) ، شوحاله نظراً
معامله ناتمام . نصاب مذاكره يوق . سكر رده قارشي
(۱۳۸) راي ايله قبول ايدلمش ؛ فقط ؛ معامله ناتمام قالمش .

صلاح الدين بك (مرسين) — افندم ! بومستله ده مخالفت
يوقدر . فكممه نظراً ماليه و كيلى آوانس و يره بيلير .
ذاتاً حساب ده چيقه جقدر . بناء عليه ؛ ماليه و كيلى بك
افندي بوقناعت عموميه اوزرينه آوانس و يره بيلير .

احسان بك (جبل بركت) — معامله ني بازار
ايرتسي كوني اكجال ايدرز . فقط ، پاره سني بلكه ين
متعهدلر وار .

رئيس — مادام كه ماليه و كيلى اداره ايده جك ، او
حالده بازار ايرتسي كوني اجتماع ايده لم .

مدافعه مليه و كيلى كاظم پاشا — بودجه ده كي پاره نك
هيسي بيتمش . بنده كز مجلس عاليكزه عرض ايتدم .
اون پاره المزده يوق . پاره سز مدافعه مليه اموري ناصل

قيصري . حسن فهمي بك كوشخانه . حسين عوني بك قوزان .
شكري بك جانك . عبدالرحمن لامع افندي غازي ، هيتاب . نعمان
افندي استانبول . سيفي بك كوتاهيه . مصطفى افندي
سيوهرك . دوقتور فكرت بك قوزان . علي رضا بك قارص .
شريف بك سينوب ؛ محمد صالح افندي ارضروم ؛ رشاد بك
صاروخان ؛ مفيد افندي قيرشهر ؛ ابوبصري بك اسكيشهر ؛
محمد وهبي افندي قونيه ؛ عزت بك توقاد ؛ كاظم حسني بك قونيه ، امين
افندي آيدين ؛ علي رضا افندي باطوم ؛ امين بك جانك ؛ عمر
وهبي افندي قونيه ، بكر افندي قونيه ؛ راعب بك كوتاهيه ؛
ضيا بك موش ؛ دوقتور رفيق بك قوزان ؛ فريد بك چوروم ؛
عبدالحليم چلي افندي قونيه ؛ سرور بك اردهان ؛ رجائي بك
طرزون ؛ بسم آتالاي بك كوتاهيه ؛ حسن افندي دكرلي ، حقي
حاي بك سينوب ؛ جودت بك كوتاهيه ؛ محمد عاكف بك بوردور ؛
شيخ ثروت افندي بروسه ؛ وهبي افندي بتليس ؛ رضا بك آماسيه ؛
حسن بصري بك قره سي ؛ خسرو بك طرزون ؛ عبدالقادر كالي بك
قسطنوني ؛ فكري بك كنج ؛ نصرت افندي ارضروم ؛ نجيب بك
ارطغرل ؛ حقي بك وان ؛ ابراهيم تريبك صاروخان ؛ عبدالغفور
افندي قره سي ، محمد شكري بك كوشخانه ؛ فخر الدين بك قارص ؛
توفيق بك وان ؛ انور بك ازميز ؛ شمس الدين افندي انقره ؛ شكري
افندي بولي ؛ رفعت افندي قونيه ؛ عبدالحق توفيق افندي درس ،
مصطفى خلوصي افندي قره حصار صاحب ؛ صائب بك اورفه ؛ مصطفى
نجاتي بك صاروخان ؛ رفعت بك توقاد ؛ مصطفى بك كوشخانه ،
حمدي بك ارطغرل ؛ ناهذ بك جانك ؛ محمود جلال بك صاروخان ؛
حلمي بك اردهان ، عمر لطيف بك صاروخان ، عبدالغني بك سيوهرك ؛
سليمان سري بك يوزغاد ؛ نبيل افندي قره حصار صاحب ؛ خليل خلق
افندي سعرد ؛ جلال بك طرزون .

رد ايدنلر ك اساميسي :

عاطف بك قيصري ، بسم بك قسطنوني ، حاجي عاطف افندي
انقره ؛ علي واصف بك كنج ، محمد افندي بيغا ،
اسماعيل بك ارضروم ؛ حسين حسني بك استانبول ، مصطفى
صبري افندي سعرد ، مظلوم بابا افندي دكرلي ، راسم بك
العزيز ، علي علوي بك بوردور ، صلاح الدين بك مرسين ،
حاجي مصطفى افندي انقره ؛ حقي بك ارغني ، قديري بك ديار بكر ،
نزهت بك ارغني ، جودت بك قيرشهر ، محمد وصفي بك قره حصار
شرق ، حاجي قريب آغا ملاطيه . امين بك ارغني ، ياسين بك اولتي ؛
علي افندي قيصري ..

مستدكف :

رسول افندي بتليس . حسني افندي بتليس ..

يوزاللي برنجي اجتماع — اوچنجي جلسه

رئيس : برنجي رئيس و كيلى موسي كاظم افندي حضرتلري
كاتب : ضيا خورشيد بك (لازستان)

۲۸ كانون ثاني ۳۳۸ - جمعه ايرتسي - ساعت ۵ صوكر

رئيس — افندم ! مدافعه مليه و كالته آوانس اعطاسنه
دائر تكليف قانوني ني اوقوتيوروم .

ایتمکسزین کیتمشلردر. بناء علیه مالیه وکیلی جریان ایدن
مذاکره ده حاضر بولندیفی ایچون جهت عسکریه نیک
احتیاجاتی تأمین ایده بیلیر. تعویضاً یاره ویره بیلیر .
حقق بک (وان) — مالیه وکیلی حاضر دکلدرکه
مجلسه قارشو تأمین ایتسون . یارین مدافعه ملیه اموری
دورسه بزی کیم تأمین ایده جک ؟
رئیس — مالیه وکیلنک تأمیناتی اداری اوله جقدور.
اوندن عبارت . بازار ایرتسی کونی اجتماع ایتمک اوزره
جلسه بی تعطیل ایدیورم .

دور ۹ هم یارین مرشی دورر . ضابطان گلش ، خرچرام
ایتدیور .

فیلسوف فیضی افندی (ملاطیه) — مادام که تعجیل
ایتدیور . مجلس یارین اجتماع ایتسون .

فائق بک (ادرنه) — رئیس افندی حضرتلری ،
قانون اساس اعتباریله قبول اولونمشدر . چونکه
ماده لری قبول اولونمشدر . بازار ایرتسی کونی تعیین
اتمامی ایله رایه وضع اولنور ، تبلیغ اولور ، مسئله حل
اولور ، کیدر . برقاچ آرقدش هر نصلسه رایه اشتراک

